

von Wulf Wager

## Kaufat en eurm Flecka




Am Samschdag han i geseha, wie viele Leut' ihre ZalandoAmazonondandereonlineversandhändler-Schachtel-Berge von dr Poscht hoimschleppat. Mol ganz absäh dodrvo, dass Amazon koine Steura en Deutschland zahlt, sottat'r meh in de (kloine) Läden am Ort eikaufa. Dia packat des ganze Zuigs net ei, gebat gern au amol en Rabatt.

Beim Omtauscha geit's koi Gschieß. Ond bei Amazon han i au no nia a Gläsle Prosecco kriagt. Wenn ebbes mol heh goht, no richtet's dr Fachhändler au vor Ort. Außerdem: Wenn mir da Einzelhandel net unterstützat, sehat en a paar Johr alle Städte gleich aus. No ka mr sich dann zwischa zwoi Drecks-Handy-Läden, 18 Bankfiliala, einem Ein-Euro-Shop, vier Wett-Cafés aussucha, ob mr a indische Döner-Pizza em Standa oder doch lieber a kaffeeähnliches Xöff em Plastikbecherle und an nach PU-Schaum schmeckenda sogenannta Cup-Cake en sich neistopfa will. Pfui Deifel .... In diesem Sinne: scheene Weihnachtseinkauf' ond scheene Weihnachda.

Bis näggschd Woch  
Ihr

Wulf Wager



Alle Kolumna zom Nochlesn

under: [www.woascht.de](http://www.woascht.de) oder em facebook em Wulf Wager Fanclub